



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXXVI. Confirmatio, & Approbatio Indulgentiarum Ordini Carmelitanum, &
Confraternitatibus S. Scapularis hactenus concessarum.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

XXXVI.

Confirmatio, & approbatio Indulgentiarum Ordini Carmelitarum, & Confraternitatibus S. Scapularis hætenus concessarum.

CLEMENS PAPA X.

Ad perpetuam rei memoriam.

Exordium.

Omnia nobis divinitus dispensationis ratio exigit, ut spiritualium gratiarum concessiones, quæ ex pia, prudentique hujus S. Sedis liberalitate ad piorum operum incrementum, & animarum salutem processerunt, quo firmiter subsistant, Apostolici muniminis præsidio constabiliamus, illaque etiam Apostolicæ benignitatis charitate ampliemus, & alia desuper statuamus, sicut spirituali Christianis fidelium ædificationi cognoscimus in Domino profuturum.

Motivum.

§. I. Exponi siquidem nobis nuper fecit dilectus Filius Mattheus Orlandus Prior Generalis Ordinis Fratrum B. Mariæ Virginis de Monte Carmelo, quod cum a diversis Romanis Pontificibus prædecessoribus nostris, ac etiam a nobis nonnullæ indulgentiæ, & peccatorum remissiones, ac pœnitentiæ relaxationes tam Christianis fidelibus Ecclesiis d. Ordinis visitantibus, & alia præscripta pia opera peragentibus, quam Confratribus, & Confortoribus Confraternitatum S. Scapularis ejusdem B. M. Virginis de Monte Carmelo quas ubivis locorum extra hanc Almam Urbem erigendi, & instituendi, illisque certas Indulgentias, & gratias spirituales, servata forma Constitutionis fel. rec. Clem. PP. VIII. prædecessoris nostri super Confraternitatum aggregationibus, & institutionibus editæ, communicandi facultas Priori Generali d. Ordinis, vel illo absente ejus Vicario Generali a rec. me. Paulo PP. V. prædecessore pariter nostro attributa fuit, concessæ fuerint, ut omnis, quæ circa illas oriri posset dubietas recideretur, ex Literis Apostolicis desuper emanatis fideliter excerptum fuit illarum Summarium a dilecto filio nostro Joanne tit. S. Bernardi in Thermis S. R. E. Card. Bona nuncupato revisum, tenoris, qui sequitur, videlicet.

Cardin. Bona excerptit Summarium ex literis Apostolicis, omnium hujusmodi Indulgentiarum.

Summarium Indulgentiarum a diversis Summis Pontificibus concessarum Christianis fidelibus visitantibus Ecclesiis Ordinis B. Virginis Mariæ de Monte Carmelo.

Tenor Summarii.

Fel. rec. Sixtus IV. in Bulla -- Dum attenda -- data Kalen. Aprilis 1477. ad instantiam Fratris Christophori Martignoni Prioris Generalis Ordinis Fratrum B. Virginis Mariæ de Monte Carmelo, omnes Indulgentias, & peccatorum remissiones a diversis Romanis Pontificibus concessas visitantibus Ecclesiis d. Ordinis, & in dicta Bulla recentitas confirmavit, approbavit, & innovavit: verum quia plures illarum elargitæ, & a d. Sixto IV. confirmatæ erant sub onere porrigendi manus adjutrices Fratribus, Monialibus, Ecclesiis, vel Domibus præfati Ordinis, & Beatus Pius V. per suam Constitutionem -- Et si Dominici Gregis -- datam 6. Idus Februarii 1567. revocaverat omnes Indulgentias, pro quibus consequendis manus adjutrices porrigendæ erant, fel. rec. Gregorius XIII. in Literis Apostolicis -- Ut laudes -- datis 18. Septembris 1577. dd. Indulgentias in pristinum, & eum, in quo erant ante d. revocationem, statum restituit, & revalidavit, dempta clausula porrigendi manus adjutrices, & elargiendi elemosynas; ira tamen, quod hi Christiani fideles, qui illas consequi voluerint, Ecclesias visitando, sint contriti, & confessi, ac loco elemosynæ prædictæ septies orationem Dominicam,

Sixt. IV. confirmavit omnes Indulgentias à Prædecessoribus visitantibus Ecclesiis d. Ordinis datas.

S. Pius V. revocat Indulgentias, pro quarum affectione requirerentur manus adjutrices.

Greg. XIII. eas in pristinum restituit dempta clausula porrigendi manus adjutrices.

itidemque salutationem Angelicam recitent, vel habitum d. Ordinis gestent, vel Vesperas pro Defunctis recitent, aut ante SSum D. Nostri Jesu Christi Corpus, terram osculentur, ac pro hæresum extirpatione, Sanctæque Matris Ecclesiæ tranquillitate, Christianorumque Principum pace, & unione, pias ad Deum preces effundant, & alias juxta prædecessorum suorum Litterarum seriem orent, aliaque peragent.

§. 2. Summarium autem Indulgentiarum concessarum est hujusmodi in dd. Literis.

Primo: Leo PP. IV. omnibus Christianis fidelibus, qui Ecclesias B. Mariæ de Monte Carmelo hujusmodi in Festis Nativitatis D. Paschæ, Pentecostes, Apostolorum Petri, & Pauli, Assumptionis, Nativitatis, Annunciationis, Purificationis Dei Genitricis Mariæ, S. Michaelis Archangeli, Omnium Sanctorum, in duobus Festis S. Crucis, Nativitatis S. Joannis Baptistæ, SS. Martyrum Fabiani, & Sebastiani, & in die Parasceves, & per Octavas præfatarum Festivitatum, & vocabulis omnium Ecclesiarum d. Ordinis devote visitaverint, septem annos, & totidem quadragenas.

Secundo, & Adrianus II., Stephanus V., Sergius III., Joannes XI., Sergius IV., & Innocentius IV. omnibus Christianis fidelibus vere penitentibus, contritis, & confessis, qui præfatas Ecclesias pie visitaverint in præfatis Festivitatibus, & earum octavis, tertiam partem omnium peccatorum in Domino relaxarunt.

Tertio, item Clemens III., Alexander II., Gregorius V., & VII. in præfatis festis, & in quolibet eorumdem similem gratiam largiti sunt.

Quarto, item Clemens IV. iisdem Christianis fidelibus, qui præfatas Ecclesias quater in anno visitaverint, videlicet in quatuor Festivitatibus ejusdem Dei Genitricis Mariæ, triginta annos, & totidem quadragenas pie concessit.

Quinto, item in Privilegio generali Lucii III. remittuntur ab eodem peccata levia, offensæ Parentum, negligentia votorum factorum, dum tamen fractor ad vota rediret, & male acquisita, si nescitur, cui restitui debeant, præfatis locis, seu illorum Domibus assignentur.

Sexto, demum Innocentius IV., & Gregorius VIII. concesserunt qualibet die cuilibet dicenti Pater Noster, & Ave Maria in dd. Ecclesiis semel pro vivis, & defunctis, quadraginta dies Indulgentiarum.

Septimo, rursus Honorius III., & Nicolaus IV. vere penitentibus, omnium suorum peccatorum veniam polliciti sunt.

Octavo, insuper Honorius IV. omnibus vere penitentibus, & confessis d. Ordinis Ecclesias visitantibus, quadraginta annos, & totidem quadragenas de injunctis eis penitentis, videlicet in Festo vocabulorum ipsarum Ecclesiarum, & in die S. Parasceves, necnon in die S. Crucis, ac in Festivitatibus Nativitatis, Annunciationis, Purificationis, & Assumptionis Dei Genitricis Mariæ, misericorditer in Domino relaxavit, & concessit.

Nono, ulterius Benedictus XI. omnibus vere penitentibus, & confessis, qui ter in hebdomada, videlicet, Quadragesimali tempore, secunda, quarta, & sexta Feriis, atque etiam in Festis vocabulorum Ecclesiarum dicti Ordinis, necnon in diebus Sabbatinis ob B. Dei Genitricis reverentiam, & in diebus Dominicis eisdem Ecclesiis pie visitaverint, quadraginta annos, & totidem quadragenas, & omnium peccatorum septimæ partis remissionem in Domino relaxavit, omnesque Indulgentias, & peccatorum remissiones à suis prædecessoribus Romanis Pontificibus d. Ordini concessas in diebus, & Festis prædictis duplicando.

Decimo, item Joannes XXII. omnes Indulgentias, & peccatorum remissiones à Romanis Pontificibus prædecessoribus suis d. Ordini concessas

Leo IV. quas Indulgentias concedit visitantibus Ecclesiis dicti Ord.

Hadrianus II. Stephanus V. Sergius III. Joannes XI. Sergius IV. & Innoc. IV. visitantibus Ecclesiis dicti Ord. in præfatis festis, & earum octavis relaxant tertiam partem peccatorum. Eandem gratiam faciunt Clemens III. Alexan. II. Gregor. V. & VII. ut supra.

Clemens IV. visitantibus d. Ecclesias in quatuor Festivitatibus ejusdem Dei Genitricis Mariæ B. V. 30. annos, & totidem quadragenas concessit.

Lucius III. privilegium concessit ut in rubrica.

Quas Indulgentias concessit Innocent. IV. & Greg. VIII. visitantibus Ecclesiis dicti Ordinis. Quas Honorius III. & Nicolaus IV. Item Honorius IV.

Benedict. XI.

Joann. XXII. eas omnes confirmat, & 40. annor. ac

cessas

1673.
totid. quadragen. concedit visitantibus dd. Ecclesias in 4. festiuitatibus B. V. prout in rubrica.

Insuper Privilegium publicat, & corroborat de adiuvandis a B. V. in purgatorio die Sabbati qui habitum gestaverint, & Confraternitatem Scapularis ingressi sint.

Indulgentia concessa ab Urbano VI.

Item a Nicolao V.

Item a Sixto IV.

Clemens VII. habitum B. V. gestantibus, vel Confraternitate ingreditibus, & alia servantibus Indulgentias, & gratias utque tunc concessis, & participationem concessit omnium bonorum totius Ordinis, & Ecclesie Universalis.

Indulgentia concessa visitantibus Ecclesie d. Ord. Frat. Monial. Exalceat. extense ad alias Ecclesias ejusdem Ord.

Sixtus V. intereffentibus Missae in qualibet feria V. Praedicationi, aut Lectioni Verbi Dei 100. dies, orantibus 50. & confessis, qui in dd. Ecclesiis communicaverint totid. annos, & totid. quadragen. relaxat.

cessas confirmavit, ac quadraginta annos, & totidem quadragenas de injunctis poenitentis universis Christifidelibus, d. Ordinis Ecclesias in qualibet solemnitate quatuor festiuitatum B. Dei Genitricis Mariae, videlicet, Nativitatis, Annunciationis, Purificationis, & Assumptionis visitantibus contritis, & confessis in Domino pie concessit. Idemque Joannes XXII. pro Animabus, quae in Purgatorio existunt, & habitum hujus Religionis gestarunt, vel eorum Confraternitatem ingressi fuerint, vel Confratrum numero adscripti in honorem ejusdem B. Mariae Matris Dei die Sabbati post eorum transitum intercessionibus ejusdem continuis ipsius suffragiis, & meritis, ac specialia protectione adiuvandis, Privilegium publicavit, corroboravit, & confirmavit.

Undecimo, item Urbanus VI. perpetuo concessit iis, qui Ordinem Carmelitarum, & Fratres ejusdem Ordinis, Ordinem, seu Fratres Gloriosissimae Dei Genitricis, semperque Virginis Mariae de Monte Carmelo vocaverint, nominaverint, & appellaverint, si in gratia extiterint tres annos, & totidem quadragenas Indulgentiarum.

Duodecimo, Nicolaus V. omnes Indulgentias, & peccatorum remissiones, ac omnia Privilegia d. Ordini concessa a supradictis Romanis Pontificibus praedecessoribus suis in praefatis diebus, & Festis Motu proprio ampliando confirmavit, atque annos septem, & totidem quadragenas in Domino relaxavit.

Decimotertio, Sixtus IV. omnes Indulgentias Ordini praedicto, illius Domibus, Ecclesiis, & Personis utriusque sexus in genere, vel in specie quomodolibet concessas, in suo robore, in suaque firmitate confirmavit, approbavit, & de novo concessit, & in Conceptionis, Nativitatis, Praesentationis, Annunciationis, Visitationis, Purificationis, & Assumptionis B. Dei Genitricis Mariae Festiuitatibus, & per septem dies sequentes, & in diebus vocabulorum Ecclesiarum visitantibus Ecclesias, triginta annos, & totidem quadragenas de injunctis poenitentis misericorditer in Domino relaxavit.

Decimo-quarto, denique Clemens VII. post Joannem XXII., & Alexandrum V. eorum Literas approbando, Habitum Gloriosissimae, & Beatissimae Virginis Mariae Matris Dei gestantibus, seu Confraternitatem ingredientibus, & alia servantibus, ut in eisdem Literis continetur, Indulgentias, peccatorum remissiones, & gratias singulis utriusque sexus concessas perpetuae firmitatis robur addidit, & innovavit, ipsisque, & aliis participationem omnium bonorum Spirituum, totius Ordinis Carmelitarum, & universalis Ecclesiae concessit.

Alia Indulgentia concessa visitantibus Ecclesias Fratrum, & Monialium Disalceatorum, extense ad visitantes quaslibet Ecclesias Ordinis a Sanctissimo D. Nostro Clemente X. per Breve dat. 30. Octobris 1669.

Sixtus V. per Literas datas 17. Julii 1587. concessit Christifidelibus, qui in illorum Ecclesiis Feriis quintis Missae, centum, qui vero praedicationi, aut lectioni verbi Dei interfuerint alios centum, necnon qui ad orandum accesserint interim, quinquaginta dies: qui denique confessi eo die ibi communicaverint, tres annos, & totidem quadragenas de injunctis, seu alias debitis poenitentis, misericorditer in Dom. relaxavit.

Gregorius XV. per Literas datas 19. Septembris 1622. Indulgentiam Plenariam iis, qui confessi, & Sancta Communionem refecti visitaverint illorum Ecclesias in Festo S. Terefiae, & oraverint pro Christianorum Principum concordia, Haereseum extirpatione, ac S. Matris Ecclesia exaltatione.

Urbanus VIII. per Literas datas 10. Maji

1624. similem Indulgentiam Plenariam illis, qui in festo S. Josephi id praestiterint, & similiter iis, qui orationi quadraginta horarum de licentia Ordinariorum in Ecclesiis dd. Fratrum tantum semel in anno instituenda per aliquod spatium devote interfuerint, & ut praefertur oraverint. Denique SSms D. N. Clemens X. per Literas datas die 11. Augusti 1670., & 16. Maji 1672. Plenariam Indulgentiam in Festis Bmæ Virginis Mariae de Monte Carmelo, SS. Andreae Corsini Episcopi, Angeli Martyris, Alberti Confessoris, & S. Mariae Magdalene de Pazzis iis, qui aliquam ex Ecclesiis d. Ordinis visitaverint, & oraverint, ut supra.

Alia Indulgentia concessa omnibus Christifidelibus a praefato Sixto V. in supradictis Literis.

Illis, qui hoc modo salutaverint alios, nempe suo vulgari, seu latino sermone -- *Laudetur Jesus Christus* -- & his, qui sic responderint -- *In secula*, vel *Amen*, vel *semper* -- utrisque tam salutantibus, quam respondentibus 50. dies, ubicumque id factum fuerit.

Qui nomen Jesu ore nominaverint reverenter, vel nomen Mariae, 25. dies, qui vero in articulo mortis ore, vel corde, si ore non potuerint, idem nomen invocaverint, dummodo ante habuerint consuetudinem sic salutandi, vel nominandi idem Nomen Jesu, plenariam omnium peccatorum suorum Indulgentiam.

Qui Litanias ejusdem SSmi nominis approbatas recitaverint, trecentos, qui Litanias ejusdem Bmæ Virginis Mariae ducentos. Necnon Praedicatoribus verbi Dei, qui inter praedicandum ad hunc modum salutandi, invocandi, vel recitandi, seu nominandi Nomen Jesu, & Mariae, Auditores monuerint, & quicumque hanc salutationis formam usui esse curaverint, eandem Indulgentiam concessit.

S. 3. Summarium Indulgentiarum a sel. mem. Paulo V. per Literas in forma Brevis datas 30. Octob. 1606., 31. Augusti 1609., & 19. Julii 1614. concessarum Confraternitati Sacri Scapularis, seu B. Virginis Mariae de Monte Carmelo.

Primo, concessit omnibus utriusque sexus Christifidelibus, qui Confraternitatem Sacri Scapularis ubivis locorum tam haecenus canonice institutam, quam deinceps instituendam de cetero ingredientur, & Habitum acceperint, die primo eorum ingressus, si vere poenitentes, & confessi, SSmum Eucharistiae Sacramentum sumpserint, Indulgentiam plenariam.

Secundo, descriptis, & describendis in dicta Confraternitate vere poenitentibus, & confessis, qui in Festo principali Commemorationis ejusdem B. Virginis Mariae die 16. mensis Julii, aut juxta ritum nonnullorum locorum, die Dominica immediate sequenti celebrari solito Sanctissimae Eucharistiae Sacramentum sumpserint, ac pro Christianorum Principum concordia, Haereseum extirpatione, ac S. Matris Ecclesiae exaltatione pijs ad Deum preces effuderint, plenariam.

Tertio, qui in articulo mortis, poenitentes, & confessi, ac Sanctissima Communionem refecti Nomen Jesu ore, si potuerint, sin autem corde, devote invocaverint, plenariam.

Quarto, qui poenitentes, & confessi, ac Sacra Communionem refecti Processioni in una Dominica cujuslibet mensis per d. Confraternitatem de Ordinarii loci licentia faciendae, devote interfuerint, & ibi, ut praefertur, oraverint, plenariam.

Quinto, qui ab esu carnis iis diebus, quibus Confratres d. Confraternitatis ex illius instituto, vesci non solent, abstinebunt, tertentum dies.

Gregor. XV. Indulgentiam plen. concessit visitantibus dd. Ecclesias in festo S. Terefiae.

Urban. VIII. totidem visitantibus dd. Ecclesias in festo S. Josephi, & Orationi 40. horarum in dd. Ecclesiis intereffentibus.

Sixtus V. salutantibus cu laude Jesu, & respondentibus Amen &c. 50. dies concedit. Nominatibus reverenter nomen Jesu vel Mariae 25. dies.

In articulo mortis si habuerint consuetudinem sic salutandi vel nominandi nomen Jesu Indulgentiam plenariam.

Litanias SS. Nominis Jesu recitantibus 300. dies, B. V. 200.

Eisdem Indulgentias lucratur Praedicatoribus, qui ita faciendum auditores monuerint. Paulus V. ingreditibus Confraternitatem S. Scapularis vere poenitentibus & confessis, ac S. Eucharistia refectis concedit Indulgentiam plenariam.

Item descriptis, & describendis in d. Confraternitate pro festo principali Commemorationis ejusdem B. V. Item in articulo mortis nomen Jesu ore, vel corde invocantibus.

Item intereffentibus Processioni in una Dominica cujuslibet mensis per d. Confraternitatem faciendae.

Abstinentibus ab esu carnis iis diebus a Confraternitate praescriptis 300. dies. Qualibet die recitantibus septies Orationem Dominicam, &

Salutatione Angelicam in honorem septem gaudiorum B. V. 40. dies.

Sumentibus cum habitu d. Confraternitatis S. Eucharistiam 5. annos, & totid. quadrag.

In quolibet festo B. V. sumentibus S. Eucharistiam in Ecclesia, vel Cappella d. Confraternitatis, & ibi oraverint 3. annos, & totid. quadrag.

Cum lumine associantibus S. Viaticum 3. annos, & totid. quadrag.

Affociantibus corpora quorumcumque Defunctorum 100. dies.

Item recitantibus Officiū B. V. Exercentibus varia opera pietatis, & charitatis, prout in rubrica toties, quoties 100. dies.

Facultas Prioris Generalis, vel eo absente Vicarii Generalis erigendi d. Confraternitatis ubique locorum extra Urbem eius communitandi supradictas Indulgentias.

Hic Pontifex omnes d. Indulgentias per Paulum V. concessas indulget posse applicari animabus purgatorii per modum suffragii.

Attestatio Card. Bona.

Preces Prioris Generalis Ordinis Carmelitarum.

Abolutio a Censuris.

Sexto, qui qualibet die septies Orationem Dominicam, & toties salutationem Angelicam ad honorem septem gaudiorum ejusdem Virginis Mariæ recitaverint, 40. dies.

Septimo, qui cum Habitu ejusdem Confraternitatis, poenitentes, & confessi semel in mensse SSimum Eucharistiæ Sacramentum sumpserint, & ut præfertur oraverint, quinque annos, & totidem quadragenas.

Octavo, qui poenitentes, & confessi in quolibet ex Festivitatibus ejusdem B. Virginis Mariæ, SSimum Eucharistiæ Sacramentum in Ecclesia, vel Cappella d. Confraternitatis devote sumpserint, & ut supradictum est, oraverint, tres annos, & totidem quadragenas.

Nono, qui cum lumine SSimum Eucharistiæ Sacramentum, quando ad Infirmos deferuntur, comitati fuerint, & pro iisdem Infirmis, pias ad Deum preces effuderint, quinque annos, & totidem quadragenas.

Decimo, qui corpora Defunctorum quorumcumque ad sepulturam associaverint, & pro eorum Animabus ad Deum oraverint, centum dies.

Undecimo, qui Officiū B. Mariæ Virginis devote recitaverint, centum dies.

Duodecimo, qui Missis, & aliis Divinis Officiis in Ecclesia, seu Cappella, aut Oratorio Confraternitatis pro tempore celebrandis, & recitandis, five Congregationibus publicis, vel privatis ejusdem Confraternitatis ubique faciendis interfuerint, aut pauperes hospitio susceperint, aut eis in eorum necessitatibus, vel in periculo peccandi existentibus auxiliati fuerint, aut elemosynas temporales, vel spirituales eis dederint, vel pacem cum inimicis propriis, vel alienis composuerint, seu componi fecerint, aut devium aliquem ad viam salutis reduxerint, & ignorantes Dei præcepta, & ea, quæ ad salutem sunt, docuerint, aut quodcumque aliud pietatis, vel charitatis opus exercuerint, toties pro quolibet prædictorum piorum operum, centum dies de injunctis eis, seu alias quomodolibet debitis poenitentis in forma Ecclesiæ consueta concessit, & relaxavit.

Decimotertio, insuper concessit Priori Generali Ordinis, vel illo absente, ejus Vicario Generali, ut hujusmodi Confraternitatem Beatissimæ Virginis Mariæ de Monte Carmelo ubivis locorum extra Urbem erigere, & instituere, illisque supradictas Indulgentias, & Gratias spirituales, servata forma præscripta in Constitutione fel. rec. Clementis VIII. super Confraternitatum aggregationibus, & institutionibus editæ communicare possit.

Decimoquarto, denique SSimus D. N. Clemens X. per Literas suas in forma Brevis datas die 2. Januarii 1672. indulget, ut omnes supradictæ Indulgentiæ, peccatorum remissiones, ac poenitentiarum relaxationes per fel. mem. Paulum V. concessæ Animabus Christianissimorum per modum suffragii applicari possint. *Hoc Summarium fideliter excerptum est ex Bullis, & Brevis citatis.* Joannes Cardinalis Bona.

§. 4. Cum autem, sicut eadem expositio subiungebat, præfatus Matthæus Prior Generalis Summarium hujusmodi Apostolicæ confirmationis nostræ patrocinio communiti, nonnullaque dubia præmissorum occasione emergentia dissolvi plurimum desideret, nobis propterea humiliter supplicari fecit, ut opportune in præmissis providere, & ut infra indulgere de benignitate Apostolica dignemur.

§. 5. Nos igitur ipsius Matthæi Prioris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis si quibus quomodolibet

innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, summariam præsertim, omniaque, & singula in eo contenta auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus.

§. 6. Præterea, ut Confratres, & Confores dd. Confraternitatum Sacri Scapularis tam hæcenus erectarum, quam in futurum erigendarum, qui Processionem in una Dominica cujlibet mensis ab illis fieri solite, commode interesse non poterint, si vere poenitentes, & confessi, ac Sacra Communionem refecti Cappellas suarum respectivè Confraternitatum devote visitaverint, & ibi pro Christianorum Principum concordia, Hæresum extirpatione, ac S. Mariæ Ecclesiæ exaltatione, pias ad Deum preces effuderint, eandem plenariam omnium peccatorum Indulgentiam, & remissionem, quam Paulus V. prædecessor illis, qui processioni hujusmodi interfuerint concessit, pariformiter consequantur; & similiter Infirmi, Captivi, & Peregrinantes, qui Cappellas hujusmodi dicta Dominica visitare nequiverint, si Officiū parvum B. M. Virginis, aut quinquagesimæ Orationem Dominicam, & Salutationem Angelicam recitaverint, & saltem contriti fuerint cum proposito confitendi, & Sacram Communionem recipiendi quam primum potuerint quod adimplere omnino teneantur; Frarres quoque, & Moniales Ordinis præfati commorantes in Conventibus, in quibus non est erecta Confraternitas Sacri Scapularis, vel non sit Processio hujusmodi, si Litanias omnium Sanctorum in Choro, vel privatim, si legitime impediti non poterint interesse Choro, devote recitaverint, cæteraque in literis præfati Pauli prædecessoris præscripta adimpleverint, præfata plenariam Indulgentiam, & peccatorum remissionem etiam consequantur, auctoritate, & tenore præfatis concedimus, & indulgemus.

§. 7. Porro Festum principale Confraternitatum Sacri Scapularis hujusmodi, juxta Indultum ab eodem Paulo prædecessore concessum, die 16. mensis Julii, vel Dominica immediate sequenti quotannis celebrari solitum, ob majorem devotionem, vel commoditatem Christianissimorum, aut quando eadem die occurrerit alia solemnitas, in aliam Dominicam ejusdem mensis transferri permittimus.

§. 8. Soli autem Superiores Generales dicti Ordinis possint extra Urbem præfaram in singulis Ecclesiis ejusdem Ordinis, & in quibuscumque aliis, accedente consensu Ordinariorum Confraternitates præfatas, servata ceteroquæ præfatorum Pauli prædecessoris literarum forma, & dispositione, instituere, & nullus alius sub poena nullitatis. Insuper ad augendam fidelium Religionem, & Animarum salutem, cœlestibus Ecclesiæ Theauris, pia charitate intenti, omnibus, & singulis utriusque sexus Christianissimilibus vere poenitentibus, & confessis, ac Sacra Communionem refectis, qui aliquam ex Ecclesiis dicti Ordinis in Conceptionis, Nativitatis, Præsentationis, Annunciationis, Visitationis, Purificationis, & Assumptionis ejusdem B. Mariæ Virginis Immaculate Fests diebus devote visitaverint, & ibi pro Christianorum Principum concordia, Hæresum extirpatione, ac S. Mariæ Ecclesiæ exaltatione, pias ad Deum preces effuderint, quo die prædictorum id egerint, plenariam omnium peccatorum suorum Indulgentiam, & remissionem misericorditer in Domino concedimus.

§. 9. Illis autem, qui ad Antiphonam - *Salve Regina* - quæ quotidie post Completorium in ejusdem Ecclesiis solemniter decantatur, conve-

Supradictum Summarium, & omnia in eo contenta auctoritate Apost. confirmat.

Interesse non valentibus Processioni dictæ Confraternitatis eandem plen. Indulgentiam concedit si illius Cappellam visitaverint.

Item Infirmi, Captivi, & Peregrinantes, qui dictam Cappellam visitare nequeunt si oraverint prout in rubrica.

Facultas transferendi festum principale d. Confraternitatis.

Soli Superiores generales privilegiate quoad alios in quibuscumque Ecclesiis instituere d. Confraternitatem prout in rubrica.

Omnibus visitantibus Ecclesiis d. Ord. in festis B. V. concedit Indulgentiam plenariam.

Conventibus ab antiphonam *Salve Regina*,

quæ in d. Ec-
clesiis decan-
tatur Indul-
gentia 100.
dier.

Visitantes Ec-
clesias dicti
Ord. in die-
bus Statio-
num omnes
Indulgentias
lucrantur, ac
si Ecclesias,
ubi Stationes
illæ sunt visi-
tassent.

Decretum ir-
ritans.

Derogat con-
trariis.

Transumptio-
rum fides.

Edit. 8. Maji
1673. An. 3.

nient, & ut præfertur orabunt, centum dies de injunctis eis, seu alias quomodolibet debitis penitentis in forma Ecclesiæ consueta relaxamus. Postremo illis, qui aliquam ex Ecclesiis ejusdem Ord. in diebus Stationum Ecclesiarum Urbis præfate, prout in Missali Romano exprimuntur, devote pariter visitaverint, & ibidem prout præmittitur oraverint, ut eas omnes, & singulas Indulgentias, & peccatorum remissiones, ac penitentiarum relaxationes consequantur, quas consequentur, si eisdem Urbis Ecclesiis in diebus Stationum hujusmodi personaliter, & devote visitarent, dicta auctoritate harum serie concedimus similiter, & indulgemus.

§. 10. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari. Sicque in præmissis per quoscumque Judices Ordinarios, & delegatos, etiam causarum Palatii Apostolici Auditores judicari, & definiiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 11. Non obstantibus nostra, & Cancellariæ Apostolicæ regula de non concedendis Indulgentiis ad instar, aliisque Constitutionibus, & Ordinationibus Apostolicis, cæterisque contrariis quibuscumque.

§. 12. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ, manitis, eadem prorsus fides ubique habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 8. Maji 1673. Pontificatus nostri anno Tertio.

I. G. Slusius.

Registrata in Secretaria in lib. Mensis Maji part. 2. fol. 193.

XXXVII.

Approbatio facultatis absolvendi præsentis & interessentes Ecclesiis B. Mariæ Mercedis, Redemptionis Captivorum.

CLEMENS PAPA X.

Ad perpetuam rei memoriam.

EX injuncto Nobis cælitus Apostolicæ servitutis munere, ea quæ à Romanis Pontificibus Prædecessoribus Nostri ad spiritualem Christianifidelium ædificationem, animarumque salutem proinde concessa esse noscuntur, ut firma semper atque illibata persistant Apostolici munitis patrocinio cum id à Nobis petitur libenter roboramus, & alias desuper statuimus, sicut in Domino salubriter expedire arbitramur.

§. 1. Exponi siquidem Nobis nuper fecit dilectus filius Matthias de Cardona Vicarius, & Procurator Generalis totius Ordinis Fratrum B. Mariæ Virginis de Mercede Redemptionis Captivorum, quod dudum fel. rec. Clemens Papa VIII. Prædecessor Noster ad cujus notitiam pervenerat in eodem Ordine vigere morem antiquissimum ab immemorabili tempore observatum in diebus S. Catharinæ Virginis, & Martyris, ac Cinerum, & Cœnæ Domini, omnes tam religiosos, quam seculares nimirum in Ecclesia præsentis, & genuflexos, post confessionem à

Sacerdote coram omnibus recitatum, de more absolvendi, & benedicendi, ut etiam aliæ Religionem facere consueverant, hanc facultatem prævia dicta confessione, (ut præfertur) de more à Sacerdote coram omnibus recitata absolvendi, & benedicendi omnes præsentis, tam religiosos, quam seculares dictis diebus, Apostolica auctoritate approbavit, & confirmavit, ac eisdem Ordini quatenus opus esset de novo concessit.

§. 2. Et subinde idem Clemens Prædecessor, ut similis absolutio, & benedictio generalis etiam festis diebus SS. Laurentii, & Antonii in prædicto ordine, ejusque Monasteriis, & Conventibus fieri posset, dicta auctoritate perpetuo concessit, & indulgit.

§. 3. Ac demum rec. me. Urbanus PP. VIII. pariter Prædecessor Noster feriam quintam in Cœna Domini, qua absolutio, & benedictio generalis hujusmodi sicut præmittitur fieri poterant, in diem festum S. Petri Nolafchi commutavit, & alias prout in terminis prædictorum Clementis, & Urbani Prædecessorum Litteris desuper in simili forma Brevis expeditis uberius dicitur contineri.

§. 4. Cum autem sicut eadem expositio subjungebat prædictus Matthias Vicarius, & Procurator Generalis præmissa quo firmius subsistant Apostolicæ confirmationis nostræ patrocinio communiri summopere desideret. Nos ipsius Matthiæ Vicarii, & Procuratoris Generalis votis hac in re quantum cum Domino possumus favorabiliter annuere volentes, eumque à quibusvis excommunicationis, suspensionis, & interdictionis, aliisque Ecclesiasticis sententiis, & censuris, & poenis à jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, facultatem de more absolvendi, & benedicendi omnes in Ecclesia præsentis, & genuflexos tam religiosos, quam seculares prævia confessione à Sacerdote coram omnibus recitata in supradictis diebus Sanctæ Catharinæ Virginis, & Martyris, ac Cinerum, nec non S. Laurentii, Sancti Antonii, & Sancti Petri Nolafchi Ordini prædicto concessam, ut præfertur, auctoritate prædicta tenore præsentium approbamus, & confirmamus, illique inviolabilis Apostolicæ firmitatis robor adjicimus: ea tamen lege, ut in hujusmodi functione de cætero servetur formula infra scripta, videlicet: Dominum Nostrum Jesum Christum humiliter deprecamur, ut gratiæ suæ lumine illabatur cordibus vestris, benignè concedat, omnes, & singulas Indulgentias, & peccatorum remissiones consequi, quas Summi Pontifices Ordini Nostro, cum specifica facultate eas Confraternitatibus nostris communicandi concesserunt juxta privilegiorum Apostolicorum tenorem, & Sanctæ Sedis Apostolicæ Decretorum dispositionem. Misereatur vestri omnipotens Deus, dimittat vobis omnia peccata vestra, liberet vos ab omni malo, confirmet, & conservet in omni opere bono, & perducat vos ad vitam æternam; Qui in Trinitate perfecta vivit, & regnat in secula seculorum, Amen.

§. 5. Decernentes easdem præsentis Litteras semper firmas, validas, & efficaces existere & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari. Sicque in præmissis per quoscumque Judices Ordinarios, & delegatos, etiam causarum Palatii Apostolici Auditores, judicari, & definiiri debere; ac irritum, & inane si

Formula
absolutionis.

fecus